

DEPARTAMENTO DE MATEMÁTICAS – CURSO 21-22

ORGANIZACIÓN DAS ACTIVIDADES DE SEGUIMENTO, RECUPERACIÓN E AVALIACIÓN DAS MATERIAS PENDENTES

Os contidos esixibles ó alumnado pendente serán os relativos aos Estándares de Aprendizaxe Mínimos detallados na Programación do curso 20-21. No caso do alumnado que teña pendentes do curso 19-20, os contidos esixibles serán os establecidos na adaptación da Programación do curso 19-20.

Durante este curso, traballarase a materia pendente durante as dúas primeiras avaliacións.

A recuperación das materias pendentes farase a través dun exame e un boletín de exercicios por avaliación. Cada exame puntuarase sobre 8 puntos. Cada boletín, sobre 2 puntos.

Os datas dos exames fixaranse aproximadamente en: Novembro e Febreiro. Nestas mesmas datas o alumnado deberá entregar o boletín de exercicios correspondente ao profesor/a que lle imparta clase. É obrigatorio entregar os exercicios no prazo establecido. Non se recollerán fóra de prazo.

Cada profesor/a ocuparase dos seus alumnos/as de pendentes. O profesorado ten a obriga de darlles toda a información necesaria relativa á avaliación de pendentes (criterios, boletíns, datas) Informarase publicamente, con tempo suficiente, das datas dos exames.

Para aprobar a materia, deberán cumprir un destes criterios:

Criterio 1. O alumnado poderá recuperala pendente por bloques. En cada bloque:

- Utilizarase como material didáctico un boletín de exercicios elaborado polo Departamento (un por bloque). Cada boletín puntuarase sobre 2 puntos.

- Farase un exame específico da materia suspensa por bloque. Cada un dos exames puntuarase sobre 8 puntos. En cada exame entrará a materia que se traballa nos boletíns correspondentes.

- Á nota do exame sumarase a nota do boletín. Se esta nota é igual ou superior a 5, terá o bloque superado.

Para calculala nota final farase a media aritmética dos dous bloques. Se esta nota é igual ou superior a 5, terá a materia superada. Se é inferior a 5 terá que presentarse ó exame de Maio.

O exame de Maio puntuarase sobre 8 puntos e abarcará toda a materia. A esta nota sumarase a media das notas dos boletíns. Se esta suma é igual ou superior a 5, terá a materia superada. Se é inferior a 5 terá que presentarse ó exame da convocatoria extraordinaria.

Criterio 2. Alumnado da ESO. Se o/a alumno/a aproba as dúas primeiras avaliacións do curso actual calcularase a seguinte nota: 80% da media das notas das avaliacións do curso actual + 20% media das notas dos boletíns. Se esta suma é igual ou superior a 5, terá a materia superada. Se é inferior a 5 non ten a materia pendente superada segundo este criterio e terá que presentarse ó exame da convocatoria extraordinaria.

Criterio 3. Se o/a alumno/a aproba o curso actual calcularase a seguinte nota: $\text{MAX}(5, 80\% \text{ da nota do curso actual} + 20\% \text{ nota boletíns})$.

A nota da convocatoria extraordinaria. corresponderase coa nota do exame. Este exame abarcará toda a materia. Puntuarase sobre 10 puntos.